



Adresa: **Ul. Hamdije Ćemerlića 39 a**
71000 Sarajevo
<http://www.voda.ba>

tel. +387 33 726-444
fax. +387 33 726-423
e – mail: info@voda.ba

Broj: **UP-I/25-1-40-345-5/21**

Datum: **14.09.2021.godine**

«Agencija za vodno područje rijeke Save» Sarajevo, rješavajući po zahtjevu pravnog lica «BH TELECOM» d.d. Sarajevo, Sektor za realizaciju investicija Zenica za izdavanje prethodne vodne saglasnosti za izgradnju trase optičkog kabla uz desnu obalu rijeke Bosne u naselju Lukovo Polje, grad Zenica, na osnovu člana 12. stav 1 tačka 1. i člana 109. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99), donosi

R J E Š E N J E

o prethodnoj vodnoj saglasnosti

1. Daje se prethodna vodna saglasnost pravnom licu «BH TELECOM» d.d. Sarajevo Sektor za realizaciju investicija Zenica, za izgradnju trase optičkog kabla uz desnu obalu rijeke Bosne preko parcela označenih kao k.č. 2394/1 i 2182 K.O. Klopče, grad Zenica, a u postupku pribavljanja urbanističke saglasnosti.
2. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod slijedećim uslovima:
 - 2.1. Da korisnik prethodne vodne saglasnosti osigura izradu tehničke dokumentacije na osnovu koje će se vršiti izvođenje radova na polaganju elektroenergetskih kablova u vodnom dobru uz lijevu obalu rijeke Bosne.
 - 2.2. Da se predmetna trasa optičkog kabla prikaže na snimljenoj situaciji odgovarajuće razmjere koja odražava trenutno stanje na terenu, sa prikazom udaljenosti iste od korita rijeke Bosne i drugih postojećih i planiranih hidrotehničkih objekte ukoliko se takvi nalaze u pojasu polaganja kabla. Sagledati sve moguće neželjene uticaje na režim površinskih voda, objekte i postrojenja, stečena prava korisnika, postojeću infrastrukturu, naselja i sl. te dati prijedlog mjera za uklanjanje odnosno sprečavanje tih uticaja.
 - 2.3. Da se ukrštanje optičkih kablova sa postojećim instalacijama vodovoda, kanalizacije, energetskim instalacijama i sl. projektuje u skladu sa tehničkim propisima za ovu vrstu radova i prema uslovima i saglasnosti organizacije koja upravlja navedenim sistemom.
 - 2.4. Projektnom dokumentacijom definisati organizaciju i tehnologiju izvođenja radova u obalnom pojasu rijeke Bosne, te definisati mjere koje je potrebno poduzeti u toku izvođenja radova kako ne bi došlo do erozionih procesa u koritu i obalnom području rijeke Bosne.
 - 2.5. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova, te ekološko-ekonomskih zahtjeva.
3. Uz zahtjev za izdavanje vodne saglasnosti pored investiciono-tehničke dokumentaciju, podnosilac zahtjeva treba dostaviti i dokumentaciju utvrđenu članom 8. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15), te dokaz o uplaćenju upravnoj taksi u iznosu od 60,00 KM.
4. U postupku pribavljanja urbanističke saglasnosti i odobrenja za gradnju podnosilac zahtjeva će riješiti imovinsko-pravne odnose.
5. Ova prethodna vodna saglasnost prestaje važiti nakon isteka 3 (tri) godine od dana pravosnažnosti ovog rješenja, ukoliko u tom roku ne bude ishodovana urbanistička saglasnost i okolinska dozvola te podnesen zahtjev za izdavanje vodne saglasnosti.

6. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno obavezno navesti okolnosti u zahtjevu za izdavanje vodne saglasnosti.

O b r a z l o ž e n j e

Podnosilac zahtjeva, «BH TELECOM» d.d. Sarajevo, Sektor za realizaciju investicija Zenica obratio se dana 05.08.2021. godine ovoj Agenciji sa zahtjevom za izdavanje prethodne vodne saglasnosti za izgradnju optičkog kabla uz desnu obalu rijeke Bosne u naselju Lukovo Polje, grad Zenica.

U provedenom postupku, uz zahtjev za izdavanje prethodne vodne saglasnosti dostavljena je i pregledana slijedeća dokumentacija:

- Ovjerena kopija Rješenja o izmjenama podataka o upisu u sudski registar, broj: 065-0-Reg-16-001320-000175 izdatog dana 20.02.2020. godine od strane Općinskog suda u Sarajevu;
- Ovjerena kopija Aktuelnog izvoda iz sudskog registra, broj: 065-0-RegZ-16-008864 izdatog dana 20.02.2020.18.12.2016. godine od strane Općinskog suda u Sarajevu;
- Ovjerena kopija Uvjerenja o poreznoj registraciji, izdatog dana 13.10.2014. godine od strane Porezne uprave – Kantonalni porezni ured Sarajevo;
- Ovjerena kopija Uvjerenja o registraciji/upisu u Jedinствeni registar obveznika indirektnih poreza, broj: 04/1-17-1-UPJR/1-6808-2/14 izdatog 11.11.2014. godine od strane Uprave za indirektno oporezivanje;
- Punomoć zastupnika podnosioca zahtjeva, broj: 06.1.1.1-16-83593-31/20 od 15.09.2020.godine;
- Kopija ZK izvotka, ZK uložak broj 1484, broj: 043-0-NAR-18-010 764 izdatog 18.10.2018.godine od strane Zemljišnoknjižnog ureda Općinskog suda u Zenici,
- Kopija katastarskog plana, broj: 04-26-10-8113/2021-4 izdatog 03.08.2021. godine od strane Službe za imovinsko-pravne, geodetske poslove i katastar nekretnina grada Zenica;
- Kopija Izvoda iz posjedovnog lista, broj: 04-26-10-8113/21-2 izdatog 03.08.2021. godine od strane Službe za imovinsko-pravne, geodetske poslove i katastar nekretnina grada Zenica;
- Idejni projekat za optimizacije pristupne mreže skraćanjem bakarnih parica izgradnjom PM FTTC Lukovo Polje, Grad Zenica, šifra: IP-PM-12450 urađen juna 2021. godine od strane podnosioca zahtjeva;
- Dokaz o uplati upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev dostavljeni svi potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 124. stav (1) Zakona o vodama i člana 1. Pravilnika o izmjeni i dopuni pravilnika o sadržaju, obliku, uvjetima, načinu izdavanja i čuvanja vodnih akata („Službene novine FBiH” broj 41/20) o predmetnom zahtjevu je dana 10.08.2021. godine, obavještena javnost putem obavještenja u dnevnom listu „Oslobođenje” i na oglasnoj ploči «Agencije za vodno područje rijeke Save» Sarajevo.

U datom roku nije bilo pisanih izjašnjenja o aktivnostima iz zahtjeva.

Na osnovu uvida u dostavljenu dokumentaciju utvrđeno je:

U cilju optimizacije pristupne mreže koja će omogućiti pružanje širokopojasnih usluga (MOJA TV i ADSL) korisnicima na području naselja Lukovo Polje, grad Zenica te zadovoljile potrebe krajnjih korisnika za kvalitetom usluga «BH Telecom» d.d. Sarajevo planirano je polaganje optičkog kabla na relaciji FTTC Lukovo Polje – trasa postojećeg optičkog kabla Klopče - Drivuša. Novoprojektovana trasa će se polagati lijevom stranom ulice u naselju Lukovo Polje potom duž desne obale rijeke Bosne na parceli označenoj kao k.č. broj: 2182 KO Klopče a onda trasom ispod željezničkog mosta (željeznička pruga Doboj-Zenica-Sarajevo) do trase postojećih kablova gdje je predviđena izgradnja novog PVS okna. Buduće TK čvorište biće smješteno u samom naselju na parceli označenoj kao k.č. broj: 2144/2 KO Klopče.

Nakon uvida u dostavljenu dokumentaciju, utvrđeno je da, shodno članu 12. stav (1) tačka 1. i stav (2) Zakona o vodama, sa aspekta sektora voda ne postoje smetnje da se podnosiocu zahtjeva izda prethodna vodna saglasnost za izgradnju predmetnog optičkog kabla, pod određenim uslovima, pa je riješeno kao u dispozitivu ovog rješenja.

Uslovi, koji se trebaju ispoštovati prilikom izrade projektne dokumentacije, a koja je podnosiocu zahtjeva potrebna u postupku pribavljanja vodne saglasnosti i odobrenja za građenje, definisani su u dispozitivu ovog rješenja u skladu sa članom 111. Zakona o vodama, članom 5. i članom 10. stav (3) Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 80 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH» broj: 06/98, 8/00, 45/10 i 43/13). Uplaćeni su i posebni troškovi prema Zaključku ove Agencije broj UP-I/25-1-40-345-4/21 od 23.08.2021. godine.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta
Roksanda Školjić, dipl.inž.građ.

29- Po ovlaštenju
Rukovodilac sektora za izdavanje
vodnih akata



Haris Ališehović, dipl.inž.građ.

Dostaviti:

- «BH TELECOM» D.D, Sektor za realizaciju investicija
Ul. Masarykova br. 46, 72000 Zenica
- ⊖ AVP Sava, ISV-vodna knjiga
- Sektor 40 – arhiva
- Oglasna ploča AVP Sava